

Ach lieber Schaffner - inne

Kriegsposen „Heimatklänge Kölsch“

Von Willi Ostermann

D`r Kreg brängk et met sich, die Mädcher von Kölle,
se lieren et knippse – se lieren et schelle.
Jetzt dun schon de Mädcher – wo Halt weht gemacht,
de Strossen avrofe. – Was ess dat en Faht.
Un mancher dä fröher, öm Fahrgeld zo spare,
ze Foss ess gegange, dä süht mer jetz fahre:
Denn wenn en de Hand uns`ne Fahrsching deiht däue
e Mädche – do muss sich doch jeder drop freue.
Vum Mangel an Beiwage keiner mie schriev,
jetz hät de Elektrische „Anhänger“ stiev.
Om Hinderflur – da, wo der Schaffnerin Platz,
do ess et natürlich am mihzte besatz.
Och mancher dä Zick hät, dä mäht sich nix druhs,
dä steig morgens en – und ovends ehz uhs. Däm Miebes,
däm Chress oder Andrees sing Frau, die nimmb diese
„Neuheit“ natürlich genau.
Dä Mann höht bei jeder Gelegenheit bloss: „Nit, dat du
mir fährt – do geiss mer ze Foss.“
Doch dä deiht vergnög en d`r Baat eren brumme:
de „Weibliche Schaffner“ sin kumme – sin kumme.